

拙齋小集

詩

四

拙齋小集卷之四

五言古

偶作

水府 青山延子著

結宇依林丘，開軒俯水流。
清風與明月，常來為我儔。
渾是會心處，怡然自忘憂。
鴻雁泊煙渚，孤帆隱沙洲。
優遊從所適，富貴非我求。
搦翰代耒耜，攤書擬封侯。
窮通固有命，貧賤何所羞。

寄渡邊君

澹、清江水靄、春山暮千里遙相思空望江南路



魚躍綠楊津，鶯啼芳草渡。徒起川上歎，看惜青春去。
却憶十年前，翰苑共相遇。君為點額鱗，我為枯轍鮒。
一從忝識拔，幸蒙明主顧。却憶十年後，浮萍異散聚。
君為人中龍，我為草中兔。潛伏深自晦，常懷陷穽懼。
窮通由否泰，消長係隆污。芳年難再得，白駒何可駐。
丹心忽易摧，鬢髮將變素。判取得與失，不管毀與譽。
大塊如逆旅，人生如寄寓。苟得脫羈絆，何須學老圃。
感君眷顧厚，聊得抒情素。君看英傑士，自古在韋布。
關雎飽膏粱，沐猴著紉袴。禪蟲良可厭，達觀真可慕。
誰知五柳門，此中自成趣。

次渡邊公雲見寄韻却寄

歸雁傳帛書，忽下海東雲。慙慙叙平生，展玩到夜分。
憶君少年日，湖上醉紅裙。紅裙今何在，夢想徒紛紛。
今春遊墨水，忽憶仙湖濱。裁詩寄故人，相思何其殷。
詞鋒排工部，筆法揖右軍。憶君在政府，勤渠究朝曛。
萬物同熙熙，華木皆欣欣。雅俗不相容，真如蕕與薰。
纖人巧羅織，貝錦爛成紋。讜論世爭詆，流言人共聞。
誰知鸞鳳侶，久困燕雀群。一朝去政府，涉獵屈宋文。
風流兼儒雅，尚憶舊詞盟。春遊試勝具，斗酒聽倉庚。
新詩投同好，妙理兼品評。英才策駟耳，文園欲爭衡。

梅花方馥郁、冰肌入詩清。高標本出衆，寧容口舌爭。
緬想都下興，花間並轡行。雲山阻且遠，安得慰離情。
西山見落月，詩筒問郵程。四美常難兼，二難何可并。
仙湖春將暮，杖藜促吟鞋。山櫻迎我笑，幽賞屬吾儕。
白雲加粧點，山巔又水涯。愛茲好時節，爛醉暢幽懷。
垂釣箕水廩，賒酒金市街。山水忘世慮，百愁自可排。
請君同此意，情好終不乖。

再用前韻寄渡邊君

昔人說神仙，御風又乘雲。已無貴賤別，又無長幼分。
宇宙以為宅，煙霞以為裙。不知時治亂，何況世紛紜。

或在山之阿，或在水之濱。不羨唐與虞，不論周與殷。
駕龍騁青蚪，漱如蚩尤軍。搏桑見日出，弱水看日曛。
崑崙宴王母，便嬛心所欣。飲我以瓊漿，樂酣酒又醺。
揚旄為我舞，微風動蘭薰。上被阿錫衣，下垂霧縠紋。
靈媧時鼓瑟，縹緲空外聞。神仙真可慕，寧同蜉蝣群。
慇懃為君語，且莫拘禮文。青松存顏色，何負金石盟。
依違固後機，勇決貴先庚。醉鄉有勝地，可以免官評。
黃雀窺螳螂，喜君解銓衡。既已同波流，無為論濁清。
猖狂名利徒，磨牙共相爭。衆庶搖山嶽，安得大道行。
反覆及此事，悵鬱傷中情。徘徊極遙矚，相思阻修程。

忽傳故人書，感喜交相并。此時步庭隅，落花滿青鞋。
黃鸝來作侶，綠竹好為儕。落日沉高樹，歸雁入雲涯。
時為神僊歌，更慰達士懷。細草青纈地，垂楊綠拂街。
陶然醒復醉，窮愁不須排。前言如可履，交情庶不乖。

又次前韻

長篇三疊
五言七言
五言七言
五言七言
五言七言

明鏡暗纖塵，白日蔽浮雲。藁木亂塵蕪，邪正固難分。
章甫或薦履，錦衣或為裙。小人常得志，世事殊紛紜。
吾憶青雲士，遠在江水濱。心為報國瘁，憂因憤世殷。
高情懷魯連，談笑却三軍。謀謨佐明主，危坐到夕曛。
君臣臭水合，相得共欣欣。同朝皆仄目，恰似醉醺醺。

難奈鮑魚臭，忽奪蘭麝薰。萋斐如望實，巧言鏤水紋。
謗譏一何熾，浸淫漸上聞。騶虞雖曰珍，難容鹿豕群。
高才以譏去，事功託空文。交遊皆絕迹，不記舊日盟。
當其趨附日，瓦礫可為庚。去就炎涼異，寧顧鄉黨評。
今我寒門子，戢翼掩茅衡。矯枉而過直，激濁又揚清。
擯斥已自分，毀譽不敢爭。君子辱納交，待我比雁行。
的知鮑叔意，長存故舊情。賦詩酬知己，何歎隔遙程。
追想昔遊事，悄然感慨并。獨坐懸一榻，閑步著雙鞋。
放歌唯自適，踈狂誰與儕。城西新卜築，近臨河水涯。
汲泉灌藥園，酌酒豁胸懷。草肥調馬埒，花綻觀田街。

晝靜燕泥落，天長雁字排。德音君不忘，應酬我何乖。

寄懷渡邊君

用老杜渭北春天對江東日暮雲二句為韻

嘗聞室町末，海內方鼎沸。慶元戢干戈，鬱淳回元氣。
天將開文運，宗室生俊偉。親禮白屋士，不挾軒冕貴。
遺賢擢築巖，耆老起釣渭。銳意創修史，首置史官職。
直筆誅姦諛，大義懼亂賊。輕重主神器，皇統辨南
北。編摩將竣業，太歲忽在辰。義公以元祿庚辰薨，故用鄭玄故事。筆
削止名士，訂正付後人。文苑漸纂塞，儒風不復振。爾
來東高閣，經歷幾回春。憶昨享和初，先公體祖

先丹鉛親下筆，讐校手披編。誓將修志表，鏤板天下
傳。知君通文史，提舉委任專。公論革舊弊，謹議破拘
攣。督責嚴課程，攷覈極精研。殺青行將就，適會公
賓天。憐君奉靈柩，辛苦千里路。佇立極哀慟，泪灑墓
邊樹。時維屬嚴冬，風寒霜雪降。揮泣解水府，銜哀歸
武江。今公初嗣位，百事法義公。勵精講治道，恰
如日昇東。股肱選英才，擢君參機密。容蹇懷匪躬，直
道彰儔匹。黜陟抑僥倖，淘汰先覈實。大綱既已舉，功
成期不日。乘此際遇時，取彼群少怒。人情如趨市，好
朝而惡暮。宵人伺釁隙，含沙欲中君。浮言滿朝野，物

議何紛紛、一朝解機務、脫去蘭省芥、門前雀堪羅、沙
上鷗為群、今公鏤國史、已動

天朝聞、縹緗裝卷帙、銀函具表文、客冬已進呈、

勅旨降

紫宸、

輒生

覩盛事、念君疇昔勤、賦詩寫所懷、縹緗叙

云、請君幸勿訝、吐情比獻芹、聊假飛鴻信、遠寄武

江雲

雪夜荒川生見訪、因賦得在字

積素滿堦除、寒光照卧內、未迴山陰棹、空憶剡溪戴、
忽喜故人至、剪燭共相對、貧家無所有、徒供園中菜、

酌酒叙生平、握手論交態、輕薄良可憎、杜門謝時輩、
百憂緣何寫、惟有杜康在、殷勤勸故人、可以澆磊塊、

七夕前一日侍宴于尚古閣、景山公子得祝

字、賜延于令賦之、謹賦古風一篇、

良夜會詞臣、嘉賓滿華屋、清風動蘭薰、綺席香馥郁、
仰看麟趾化、振、及公族、賤臣陪下風、敢效華封祝、

二月五日季子生賦以記喜

我年四十五、又見季子生、已非龍馬種、又非太白精、
伯仲齡稍長、叔季數始盈、衰門雖不振、教育可期成、
樂天且安命、不必問前程、

七言古

寄秋德卿

少小締交如弟兄，緩急為許死與生。
豈期一別各萍梗，我遊東武君西京。
東武西京三千里，雙鯉惟傳書一紙。
一紙一紙緘書何醜縷，說破王畿佳山水。
冠天下，月有桂，河花醍醐羨君遊。
履事濟勝羨君足，迹遍寰區男兒如是真得意。
何必折腰就官途，余亦生平抱傲骨。
常慕南山采薇蕨，何當歸來將尊酒與君共醉故園月。

庚申中秋淫雨新霽獨酌遣興

花難得美日醉月難得良夜晴天於花月常相妬適
逢良辰多雨聲更知人事不如意且拚俗務苦相縈
今宵有酒與誰醉可憐江月向人明金尊獨酌影為
侶秋風掃空天晶熒酌月吟風雨得意利名不論草
芥輕一壺酒一巨觥我將與爾了一生杯裏清光甌
不盡乍聞雞聲報五更徘徊中庭徒徙倚銀漢西轉
月影傾

石思甫挽歌

余昔讀書谷子塾與君同學各相親一劍交遊十餘
載車必挂轡空同齒弱冠初入翰墨場與君切磨攻

文章討論抵掌不相下我好先秦君漢唐揚馬菁華
韓柳奇步驟別決無所遺夜光曾探驪龍窟雲錦昔
裁織女絲轉眄之間成異世九原茫、不可求人間
乍失麒麟手天上俄脩白玉樓交遊黯澹一夢中昔
時遺響托悲風古來有才多不壽唐有長吉漢終童
終童長吉皆豪傑至今生氣尚凜冽嗟思甫自古誰
長生唯有文章傳英名思甫文章足不朽塵土何得
埋其精徘徊北山阿涕淚雙滂沱聊將絮酒酬舊誼
君若有知聽哀歌

蕉花杯歌

并序

本藩騎將白井君嘗種芭蕉數株今年始開花矣
令其姪谷子享請予詩乃為歌贈之

騎將風流愛幽居庭種芭蕉四五株
閒來無事獨開卷綠葉映日影扶疎
紅女機中織成布皎如長江帶煙霧
眼之清輕宜暑月滿袖涼氣貯冰雪
蕉布能令人身輕欲叩天閭朝玉京
君不見芭蕉百年始開花花片為妬
酌流霞王母蟠桃安期棗何如蕉花
杯使人長不老又不見東門黃犬華
亭鶴富貴不若貧賤樂始知留戾能
避穀始知彭澤能辭祿何日為築糟
丘臺與君俱醉蕉花杯

東海篇

八月廣陵通大潮海若乘秋萬馬驅
大洗磯頭風卷雪皎如織女展龍綃
萬頃鯨波湧虛空海內奇觀此地雄
輕颿出沒鵬霄外重樓搖動蜃氣中
雷聲忽度千門雨鼇背時浮萬里風
日暮海天懸素影燦如雲衢開玉鏡
蒼茫奇觀須臾改磯上雪華發晶彩
此夜高樓盛宴開坐上頻傾鸚鵡盃
盤中鱸魚玉作膾尊裏蒲萄金為醕
即今相逢真可樂百年人生能幾回
襟懷一洗飛揚甚潦倒不知玉山頽

大洗磯名

百歲漁翁不梳頭，日：江湖逐白鷗。南浦桃花西浦柳，朝曝漁網暮維舟。晚潮初落烟月白，孤雲忽_去數峯幽。一瓢一醉意自足，款乃一聲下中流。

壬戌夏余罷史生，謝絕交游。既而再入史館，一二舊交來謀講書。明年閏正月，再開講筵。諸子來會，講訖賦詩得落字。

吾黨交遊何寂寞，十載舊盟不負約。文園講業人無恙，詞客揮毫情不薄。已無下物助雅談，唯有苦茶換杯酌。夜深誰將玉笛吹，曲裏春風梅花落。

寶劍歌

銀鑄出良鐵，百鍊擅神奇。淬將清漳水，磨用陰山砥。傳是英將玉轡韁，寶環錯落赤珊瑚。憶昔燕然建奇勲，沙場百戰血紛紛。紫電朝橫三尺水，青萍夜拂七星文。壯士報國仗一劍，鋒刃至今點無玷。霜銑凜開芙蓉精光澹，藏蛟龍壘上一揮飛霹靂。鱗鱗倚天氣冥濛，何論天下英雄士。不羨麒麟閣上人，惟恨升平鎖寶匣。未斬漢庭一佞臣。

倒生藤行送野敬，卿歸野州。君不見平氏西走據八島，陸列城柵水濛濛。源將乘

勝如破竹、馳電掃指行宮、麾下材官萬猛士、陸戰
水攻各爭鋒、城兵不料東軍至、忽見煙燭蔽蒼穹、風
急火熾拒不得、宮殿焚蕩一時空、平將狼狽浮滄海、
龍舟無復六軍從、皇家美人名王蟲、手持紈扇樹舟
中、嬌態雍容麾敵射、紈扇畫日夕陽紅、源將下令募
射手、爭推秩父平重忠、秩父挽強不敢當、三軍壯士
思焦胃、那須名士藤宗隆、年纔十七意氣雄、抨弓空
中墜飛鳥、射藝天下稱無雙、轅門受命辭不獲、攬轡
橫弓立沙磧、白馬紫韁錦鞍韉、金甲烏帽紅抹額、春
風吹海卷波浪、紈扇搖、萬頃上、凝視默禱誓鬼神、

須臾波定點無塵、矸然一發中紈扇、紈扇飄颺舞海
波、兩軍貔貅注目看、撫掌扣舷各稱嗟、世移時異陵
谷變、人間惟說八島戰、宗隆聲名磨不泯、千載凜、
如見面、野州壯士字敬卿、為余談此到五更、言是野
州恩田邑、土人尚祀宗隆靈、依然祠下倒生藤、龍蟠
蜿蜒勢飛騰、昔時宗隆插馬棠、至今茂盛見威稜、莫
說源平蝸牛爭、惟有壯士傳英名、區區富貴何足慕、
平臺為墟鎌府荆、嗚呼倒生藤、千古獨滋榮、我今賦
此送子行、意氣慷慨飛巨觥、興闌樓頭月將傾、把臂
惜別對前楹、憐汝壯志佩長劍、何須役、過一生、丈

夫當自啻不朽人間榮辱不足驚

仲春過藤子定宅宴梅樹下戲為長歌

得無字

梅香卷東梅數株老幹搓牙根半枯欲倒不倒橫墻
角恰如蟄龍蟠坤隅其佗孫枝皆殊態傍籬侵檐密
又疎二月春光欲駘蕩一時著花抽芳膏主人此時
宴朋徒沽酒割鮮盡歡娛春風吹樹翻白雪石上斑
斑花若鋪皎如素娥飄輕裾粲如漢女擎明珠又如
飛僊騎白鳳徑渡銀漢入天都香氣馥郁襲衣袂黃
鳥繞樹相喧呼羲馭駸不可駐醺酒銜杯日欲晡
君昔宦游在東都抗鱗獲罪還舊廬門庭寂莫絕人

迹我時訪君酌玉壺居諸往舊十餘載隙駒倏忽若
電驅今日相逢高堂上我鬢既禿君白鬚梅花獻笑
不改色昔時交游今半無得失原同塞翁馬浮沈渾
似水中鳧人生有酒須盡醉何用汲、利名拘我今
勸君酒為君歌已歛請君為我飲一盃夷齊跼蹐骨
皆枯醉中何知辨賢愚與君痛飲梅花下玉山欲倒
任人扶

豐神童歌并序

余嘗歷覽古今之史其夙慧穎悟若甘羅黃琬孔融
王戎之倫不為不多然而至天才絕倫能屬文辭厘

塵乎無幾矣。若夫徐勉六歲為祈禱文，李賀七歲為
高軒過，劉晏八歲獻東封書，班固九歲能文，蘇世
長十歲上周武書，揚億十一作賦，陸典十二作柳賦，
天下稱為奇才。在本朝則橘廣相九歲為應制詩，
管公十一為五言詩，當時稱為神童。元寬以來，文運
蔚興，韜真昌十歲為古詩，永順庵十三為太平頌，水
足生十六遺祖徠書，海內嘖嘖稱為奇才。其後寡
無聞焉。至近時，吾友藤田子定十三為赤水翁壽序，
遐邇傳誦以為異才。夫以西土文獻之盛，早歲能文
之士，塵如彼而商榷本朝，亦塵如此，則人才

之難從可知也。今春上巳，余過子定宅，見豐神童者，
年纔十三，能屬文。子定試出元史使讀之，五行並下，
一覽輒解。既而又出客歲所作雜文數篇示余，受
而讀之，理致清遠，機軸出己，自成一篇文章，非步驟
雕琢者之所能及也。人才之美，未見其比。嗟呼，文運
否塞，人才凋弊，而荒壤僻邑，乃生若異材，可謂奇矣。
蓋我上公負不世之姿，才德夙成，則神童之出，天
意必有在焉。斯豈可不賀哉？遂為歌云：

君不見豐氏神童年十三，天才夙成青出藍，
貫中貫穿通今古，歷世治亂已盡諳。下筆頃刻數千言，
渾成

毫無斧鑿痕意氣應須傾筆海文勢直欲壓詞壇借
問神童何許人言是治北坂上村父在農間耕且牧
損貲買書與兒讀余聽其言尤嗟異誰知英特生山
谷元氣鬱勃山谷中孕祥毓瑞為我公天才若此
真絕倫異時必當為國珍噫嘻大器自古貴晚成厚
蓄慎勿求利名

垂絲櫻引

并序

夫物得所托而後著故甘棠以名伯而存嘉樹因宣
子而傳古栢以武侯而鬱茂雷竹因萊公而叢生夫
以一卉之細一物之微為世愛惜播諸歌詠著諸文

辭使千載之後興起贊歎者豈非以其人哉若本
邦大石氏精忠貫金石義氣動天地宇宙之大罕見
其比宜乎後世欽慕而不已也大石氏仕播州赤穗
迄今故宅猶存園中有垂絲櫻枝葉扶疏茂盛可愛蓋
其所嘗愛云好事之士徵詩於四方欲歌詠其事以
傳不朽嗟夫大石氏之忠烈天下之所共知宜亘萬
世而不朽固不係於此樹之存不存矣然思其人則
愛其樹亦猶周人之於召伯宋人之於萊公則邦人
思慕之心其有不可已者歟夫一國之所慕天下慕
之則重義尚節之風亦將延及天下是大有益於世

教也因作垂絲櫻引

元祿辛巳歲賜死赤穗侯。愈爭一坐法。恨不殺仇讐。赤穗有臣姓大石。慷慨誓將報主仇。潛匿獨唱同志。士歃血結盟為主謀。赤穗由來稱好士。群臣皆要相。終始一朝國亡城為墟。肉食偷生惜一死。纔得壯士四十七。義氣相合各如一。借問當時仇是誰。野州長史姓是吉。邸第不許人出入。防閑日。嚴且密。伺間覘隙。運奇籌。破關排門。忽復讐。時維嚴冬十二月。北風凜冽寒裂膚。臂上角弓霜皎潔。腰間寶劍血模糊。提首問行獻侯墓。衣袖淋漓淚不乾。釋兵詣官願就

死。觀者闐巷咸悲酸。石氏父子尤絕倫。忠肝激烈泣鬼神。物換星移人代改。故國尚有第宅存。昔時遺愛留櫻樹。垂條依舊媚青春。紅線隨風花織錦。瓊葩鋪地草成茵。君不見權門貴戚百歲後。玉樓委地骨亦朽。一時富貴隨流水。園池不知何處是。嗟此一櫻樹。結根托忠良。海內文士錦繡腸。遐邇相傳脩詞章。請看忠義扶名教。英名千載與花芳。

湊河行 并序

余嘗讀史策。至於楠公之死節。未嘗不廢書而歎也。嗟呼以公之才略。濟以忠義。而計終不行。繼之以死。

豈非天耶。蓋自公之薨也。迄今五百年矣。天下之愚夫愚婦。皆能知公之名。稱公之忠。非忠義之感人。心安能若此哉。余於是乎有感焉。作湊河行。

君不見元弘天子播遷日。四海分崩如鼎沸。六軍纔保豎置城。夢賚忠臣真良弼。燕見一陳恢復計。誓滅逆賊期康濟。豈肯賊師陷行宮。翠華北狩孤島中。孤臣獨保金剛山。金城鐵壁下。攀百萬賊軍勢咆勃。盡銳竭精攻不拔。天助王室生忠勇。一掃逆賊傾巢穴。忽迎鑾輿返京師。鐘虞依然復舊物。捕公殊勲誰能匹。中興論功功第一。哲婦傾城振古然。逆餒一朝

復滔天。戰艦蔽海逼皇畿。一受帝命奮距之。借箸慙勒陳奇策。無奈忠謨與帝違。薄暮馳至櫻井驛。解劍與子見肝腸。肝腸披瀝何所言。遺命諄二。清逆氛孤軍直赴湊河灣。鐵馬奮戰甲朱殷。一死原分濺腔血。慨授命沙磧間。嗟呼捕公生為忠義臣。死為忠義鬼。星霜荏苒五百歲。至今凜三。有生氣。英雄事業已消亡。猶傳湊河古戰場。千里路阻不可訪。欲吊忠魂淚縱橫。

五言律

冬日牡丹

百卉已凋傷，孤芳別有鄉。
雕欄籠曉日，翠幄護嚴霜。
嬌餘吳國豔，色鬪漢宮粧。
歲寒能玉立，不必競春光。

春日遊友人池亭

孤亭春雨後，煙景最相宜。
翠羽鳴高樹，金鱗躍綠池。
醉吟傾舊撻，逸興入新詩。
愛此潒梁樂，世人何得知。

春日遊太子山

亭高出林表，登眺好開窓。
石磴通幽處，雲山帶暮江。
波光動危堞，帆影落長江。
相值何辭醉，春醅滿玉缸。

夏日雜詠二十首

坐近溪邊水，步穿庭下苔。篁深抽紫箨，林靜落黃梅。
急雨來涼氣，歸雲送晚雷。杳然遺物我，長嘯獨徘徊。
獨窮達生理，已作葛天民。靈槁含風重，挫花帶露新。
山林自成性，杖履即無塵。來往渾閑事，野服與綸巾。
蕭蕭繞簷竹，漠漠上階苔。總此幽閒裡，日添佳趣來。
生平唯冗物，事業只銜杯。本自忘機者，沙鷗莫謾猜。
坐卧青山近，回溪曲曲通。午陰移薜荔，日色冷梧桐。
水響朱絃外，龍吟玉笛中。梅花試一弄，嚙嘹入江風。
雖無超世趣，尚愛草茅居。寂寞交遊絕，顛狂禮法疎。

看山青眼裏，對竹黑甜餘。自掃窻前石，臨池學草書。
厭茲夏日熱，閑步敲荆扉。江黑蛟龍動，山明霹靂飛。
雨驅炎氣去，風促晚涼歸。不羨列御冠，冷然透葛衣。
館閣曠書日，偶得數旬閑。徐步林下，靜吟泉石間。
無心雲出岫，求侶鳥鳴山。日夕多幽景，處處納涼還。
午睡幽林下，從佗夏日長。槐陰來翠色，泉響洗炎光。
風竹衣衫冷，池荷枕簟香。悠然一夢裏，不識熟黃梁。
移竹幽陰密，疏泉細溜分。牕銜出山月，簷駐度溪雲。
樹古門無轍，苔清石有紋。焚香默坐久，會得老莊文。
幽懷屬涼夜，勝地獨相尋。不解詩中趣，安知物外心。

空潭印明月，虛閣撫清琴。誰是同心者，共投冠上簪。
小築開幽逕，庭園步、迷山光凝紫翠，水色動玻璃。
倚几繙書帙，疏泉灌藥畦。冷官真得意，不必問雲棲。
野館臨谿竹，沙村卧水橋。晚煙浮橘柚，夜雨滴芭蕉。
睡夢疑飛蝶，閑居勝珥貂。人生貴適意，所慕在漁樵。
杉竹無炎暑，疎慵每晏興。花澆半瓶水，瓜割一盤冰。
荒逕生芳杜，崩崖垂古藤。斯心誰共晤，山月向東升。
水石帶餘清，新涼趁晚晴。池邊多月色，松下半秋聲。
團扇羅紈薄，暑衣締綌輕。何須論得失，世事一碁枰。
尤愛池亭好，偏憐炎熱微。芰荷浮翠蓋，菡萏綻紅衣。

衝岸金鱗躍，當簾白鷺飛。芋田三百畝，喜見雨餘肥。
雨過南澗口，徙倚意無端。落日沈高樹，歸雲滅遠巒。
彩虹晴漸沒，皓月影將圓。樓上清輝遍，還疑是廣寒。
清風侵卧內，明月上高齋。謾發風前思，還憶月下懷。
窮通唯自適，行止不吾乖。疎竹與流水，幽情寄翠崖。
夏雲興大壑，終日在山隈。碑兀危岑合，崔巍重閣開。
莫言膏寸物，還滿太虛來。安起泥蟠士，沛然潤草萊。
微風吹晚波，釣艇發清歌。水閣偏宜夏，新涼不厭多。
卷簾依靜渚，移席就煙莎。百頃空潭曲，褰衣搗婦娥。
自愛幽棲趣，更無車馬譁。黃葵傾日葉，紫綬向秋花。

夜冷蟬離樹林疎月上紗却嫌名與利不種東陵瓜
立秋前一日會梧桐樓

相逢又何夕大火欲西流卷幔涼侵坐開窓月近樓
金風樹中起玉露葉間浮不問梧桐落明朝是立秋

夏日遊友人莊

為避人間熱更開林下筵叢中抽綠笋池上綻紅蓮
石與棋枰淨苔因杖履穿相逢各才俊不羨晉群賢

夏日偶成

負郭城西宅枕流湖北家庭移數竿竹園種四時花
幽徑抽蘭葉勾欄護藥芽悠然心自愜閑坐獨煎茶

春日田家 二首

細柳蔽清渠春波動碧雲輕風秀隴麥膏雨長畦蔬
犬吠花間屋蠶眠桑下廬方知農務急處：餉新畬
田家春日好閑步訪幽居蟻動村醪熟滿成蠶箔虛
溪邊傍花釣柳畔帶煙鋤却憶於陵子當時獨灌蔬

晚過柳堤

仙湖二月時春色十分奇鶯織桃花錦風縹揚柳絲
暮煙籠遠渚落日浴清漪却恨長堤盡閑吟步更遲

九月十三夜賞月

年光何荏苒五值武昌秋玉露侵衣冷銀河入戶流

銜盃聊解悶，對月却添愁。不分嫦娥影，終宵照白頭。

舊居即事

脩竹千竿徑，柔桑數畝居。客稀車轍絕，門鎖雀羅疎。禍福塞翁馬，功名黔地驢。蒯緱已彈盡，無意賦歸歟。

乙未元日

江北玄陰盡，海東初日昇。花薰半枝雪，風解一池冰。臘醖濃宜醉，晴窗暄可凭。明時竟何補，只合謝無能。

五言排律

登寅賓閣

高樓臨巨浸，萬里望雄哉。日月鼇頭出，乾坤鵬際開。入窓雲嶠小，當檻雪山頽。帆影青天盡，雷聲赤岸迴。鯨魚搖作雨，蜃氣結成臺。鳴鼓馮夷出，泣珠鮫客來。千秋泛海興，八月觀濤盃。欲下放生筆，羞無七發才。

正月十八日賜宴史館

翰林賜宴日，館閣醉花辰。恩重楚王醴，寵優梁苑賓。芳尊斟綠酒，玉縷贈金鱗。筆與紅霞動，歌兼白雪新。柳條絲未結，草色軟相勻。移席鶯啼樹，褰簾香襲人。

冲融從化遠發毓沐恩頻脩史千秋業多才一代珍
緝熙觀君德鼓舞仰經綸幸藉維持力斯文庶不淪

奉挽先君文公

分茅受青土開府撫東州位統藩屏重身當天下憂
親承邦國託坐運廟堂謀柱石成名大彌綸錫命優
謳歌聞舜禹輔導仰伊周史筆繼先緒文章宣大猷
風聲被四海功德冠諸侯星隆俄傳變山鳴方鎖幽
長辭朱邱裏歸窆瑞龍頭望極人垂淚迎旒雲帶愁
玉魚蒙壽域素幔蔽靈丘野樹添無色岩泉咽自流
生平忝知遇侍讀荷恩休結草徒思效絲毫愧未酬

瑞龍先公墳墓之所先是山數
震動土人以為凶徵既而赴至

甲寅元日

萬國朝正日群僚獻壽辰瑞烟籠畫閣嫩柳拂芳茵
玉節開雄鎮黃麻下紫宸羽林肅儀衛甲第引簪紳
禮樂周宗室衣冠漢懿親論文虎觀古布教象魏新
揅甄貴丹腹宏猷仰彌綸體元民戴德思孝物歸仁
世業傳良史貽謀啓後人菁華蒐百代筆力挽千鈞
卓犖追司馬殊功繼獲麟何當鐫琬琰炳蔚照無垠

送藤子定之江戶

銀鞍辭水府寶劍向江城祖道臨湖水離筵問路程

雪含梅蕊淨風拂柳條輕對此一盃酒送君千里行
詞壇推巨擘文苑讓先鳴設醴楚王待開臺燕主迎
雄藩今講武率土已調兵但願胡塵掃未聞瀚海清
廊廟待良策憑君議北征

時北虜寇邊
府發兵禦之

己巳之春上公初就藩五月二十二日臨彰

考館賜宴史臣謹賦一律

恩賜南皮宴陪遊西苑庭蘭馥滿朱豆桂醕瀉銀餅
竹影金鞍駐松陰華蓋停登堂禮俊士端服拜文星
稽古崇儒術維新仰德馨山河何恃險畋獵豈荒寧
理國待賢相究心在聖經薰蕕舊異器清濁須分涇

祖範存儀表遺風見典刑芻蕘如有訪聊欲瀆清聽

七言律

春日遊神崎寺

金壘美酒綠葡萄，今日相逢氣轉豪。
千里陰晴遙嶽雨，一堤分派大湖濤。
沙村行踏汀邊草，山徑春迷洞口桃。
幾弄鶯花忘日暮，景情寫得入揮毫。

藤子定見訪因賦次子定韻

茅亭新築碧谿邊，一望憑高轉渺然。
霞外山光收宿雨，樹間帆影落晴川。
清風自和瑤琴響，妙曲都兼白雪傳。
歡樂幾時須盡醉，鐘聲乍送夕陽天。

奉送東里先生使京

千里鶯啼花又芳，金鞭遙指帝王鄉。
風流堪問周文獻，朝禮親觀漢典章。
季子論詩知往古，長卿擁傳有輝光。
雄飛已遂平生志，莫恨春風綰綠楊。

送滕子定之京

湖上春風李與桃，離筵偏勸玉壺醪。
凌雲元抱飛騰志，採勝何論跋涉勞。
意氣中原堪睥睨，文章海內本雄豪。
三都到處君能賦，更見英名日下高。

那珂港望岩船浮齋

塔勢岩堯聳碧穹，海門縹緲蕊珠宮。
金鱗晴上桃花水，白鷺群飛楊柳風。
樹擁丹崖山色暗，波搖寶刹夕

陽紅。杳然偏覺人寰遠，直到蓬萊咫尺中。

秋日漫興 五首

一謝交遊萬事疎，薜蘿藤蔓掩幽居。
搗邊菡萏花開日，井畔梧桐葉落初。
八月浮槎懷博望，千年題柱想相如。
即今狗監應難遇，敢向人間賦子虛。

疎松攢石自相佳，漫擬華陽隱士家。
杖履時開幽澗竹，拈碑新灌小園花。
綠芋風度田千畝，青荇波搖水一涯。
解道浮生無定所，欲將身事付魚鰕。

溪上高亭對翠微，幽情獨卧白雲扉。
山窻盡日薔薇掩，澗徑無人杜若肥。
踪迹稍兼塵世遠，踈慵轉與物

情違徜徉偏愛閒中趣，羞我江湖未拂衣。
碧水潺湲曲徑通，登樓徙倚思無窮。庭松露濕偏含
翠，野樹花深欲墜紅。戶外芭蕉聞急雨，池邊荷葉引
清風。興來漫步尋晴處，秋月初升古洞東。
孤亭琴月晚涼通，滿目秋光入賦中。弱冠文章羞篆
刻，當年志氣慕英雄。雲臺殊遇今何在，碣石盛名人
已空。顯達由來渾是命，浮生豈復歎途窮。

仲秋下那珂江

扁舟盪槳下驚湍，八月長風對壑歡。一片青山鵬際
落，雙崖丹巘鏡中看。無邊海色連天盡，不斷江聲懸

雨寒。漢使星槎如可擬，飄然凌浪問雲端。

薄暮至那珂港，捨舟登陸遂至磯濱。陰雨俄至，
因投宿焉。

為賞中秋此倚闌，浮雲黯澹思無端。蟾蜍不辨樓頭
色，蟋蟀頻生戶外寒。萬里海烟迷巨浸，孤村風雨亂
驚瀾。何當更借僊梯手，翻作廣寒宮裏看。

望海樓贈高子大

千里羈愁君自寬，旗亭綠酒罄交歡。金釐原壓大官
美，玉膳堪供上客餐。回首鯨波空外湧，憑欄蜃氣雨
中寒。風雲縱少南樓興，不負廣陵八月看。

九月十三夜會此君堂

萬里長天掛素輝，林間返照尚熹微。
仙人陂上秋陰盡，揚柳堤南鳥鵲飛。
世路艱危何足問，社中雅會莫相違。
興來偏訝蟾宮近，無限輕寒襲客衣。

正月十三日入彰考館呈同僚諸君

是歲彰考館落成

新成高館早春開，上客風流珠履來。
魯國千年藏蝌斗，渥洼當日見龍媒。
簡編原富名山祕，英妙仍餘大國才。
最識先公遺業在，于今文燄照芸臺。

丁巳元日

疎松密竹繞堦除，負郭城西一敝廬。
日暖花間穿雪

鳥風輕河畔上冰魚，紅歸洞壑霞光曉。
綠入池塘柳眼舒，總為韶華添雅興。
自開牖釀對琴書。

秋日偶作

惆悵梁園一薄官，窮來無恙竹皮冠。
衣裁荷芰秋光冷，劒淬芙蓉星彩寒。
虛抱雲霄千里志，寧懷雀鷁半枝安。
人生幾許難遭遇，空惜西風老蕙蘭。

早發松戶關

蚤發關門道路通，奔繻猶憶漢終童。
晨光欲動江東樹，月色初沈雲外峰。
千里雄心雙劒劒，三秋羈思一飄蓬。
目斷故園何處是，無邊煙黛碧重。

丁巳秋余遊東武聞國家方有北顧之憂慨然賦此

三尺青萍七尺躬鐵肝常慕漢時雄請纓徒抱終軍憤汗馬原期驃騎功百年狂態風塵外一代文章意氣中今日制邊應有策莫將宴息侮胡戎

冬日會遊文館

是日尾藩平洲先生本藩東里先生及肥後筑後——諸子亦至

堂上金尊照綺筵風流不讓漢諸賢千秋經術推名世一日交遊托忘年寒梅白破窗前雪苦竹綠浮墻外煙誰道龍門難可到憑君今夕忝周旋

紅葉

休言金谷鬪豪華羅綺今時何足誇剪綵春回隋苑死樹餘紅秋添武陵花爛斑幾處皆為錦縹緲誰家盡作霞為有吳娃妖艷色不教桃李競繁華

送村子隣之江戶

二首

高亭送別屬羊關意氣何論道路難波嶽蒼烟馬頭起芙蓉白雪客中看孤關夜月聽雞度二總曉風吹雁寒聞說江南春色早梅花新映紫金鞍

迢遞雲山向武陽離筵分手別愁長金盞新浮橘柚

影綠醅初瀉，醺醺香玉鞍。齊映千峰雪，白馬行嘶十月霜。為報壯年須努力，豈論兒女泣河梁。

仲夏游太子山

高亭百尺俯迴溪，十里青山望不迷。雲壑水聲絃上響，湖天日色鏡中低。晴虹半斷飛橋外，急雨忽過睥睨西。總為主人能愛客，玉缸何厭重相携。

歲暮書懷

人間忙裏易蹉跎，十九星霜一瞬過。伏櫪由來悲不遇，擊壺空自發狂歌。千秋事業仍難就，萬里雄心竟若何。傲骨平生無所屈，優游願得老巖阿。

壬戌之夏余初補一官

羅小史職戲

贈滕子定

同窻憶昔稱金蘭，萍散何畝著武冠。十年徒守書生業，一命初霑步從官。才慙屈產悲年長，勢失輔車愁齒寒。誰識雞群容野鶴，孤鳴不復舊時看。

孟夏會朱舜水講堂

徵君祠廟倚江皋，文墨相逢不厭勞。幽澗莓苔供卧榻，遙峰翠黛入揮毫。天邊過雨收暝色，松下清風送晚濤。鹿洞猶餘書院在，長令斯道屬吾曹。

乙丑秋移居鳴珂里，僑寓無聊，賦以寫思十首

三十春光轉眄空，秋風海上幾行鴻。雨過幽徑莓苔綠，霜染荒庭柿葉紅。蟋蟀聲寒草廬月，芙蓉花老故園叢。生平未試屠龍技，猶憶鉛刀一割功。梧桐露滴夜光凝，萬里西風銀漢澄。眼裏弟兄誰舊識，樓頭風月是良朋。細看交態冷於水，且厭簿書同逐蠅。何事秋來尤得意，芸窗閑挑一籠燈。秋風葉落雁聲悲，駒隙偏驚時序移。躑躅猶纏荼毒苦，伶仃空感蓼莪詩。滑甘原欠當年養，風樹還乖夙昔期。齷齪何須戀棧豆，羸餘今日復奚為。笑吾牢落老彫蟲，恤緯徒懷嫠婦忠。海內元輕章帶

士人間誰識草茅雄，蠅營爭逐錐刀利。尸位寧啻久遠功，如值廟堂肝食日。不知何策待西戎，十載浮沈家作掾。先生踪迹寄江湖，誰知夢鹿醒還失。遮莫移山愚且迂，架上蒲萄珠錯落。石間苔蘚錦糝糊，去年買得立錐地。却笑今年錐也無，去歲移居城北郭。今年又賃屋南隣，經霜黃果離熟衰露紅花點。新疎竹長松宜與侶，白雲明月好相親。可憐雞犬無常主，猶認他人作主人。慮澹心恬物自輕，新居無事不須營。含飴穉子迎人語，求食遊禽繞舍鳴。灌圃澆花忘倦斲，栽松移竹轉

幽清晚來尤愛秋風入却作春潮帶雨聲
清貧多病兩相兼懶性惟於勢利恬迎客眼中青又
白枕書窗下黑初甜籬邊黃菊花侵砌叢裏紫蘭香
入簾風拂林端雲去盡秋山忽現一峰尖
人情世路最巉巖好是沈淪避謗讒安步苦吟唯自
遣虛名浮譽又何饒開書一任嬰兒戲種黍時看鳥
雀銜丹桂紫蘭間枳棘蓬蒿滿地不勝芟
儒生生計一何難問舍求居未少安漏屋頽垣秋色
冷荒園廢圃曉霜寒珊瑚光綴南天燭風雨聲傳北
海瀾誰識貧家還富貴染成蜀錦滿林丹

仲春同館僚諸君飲藤子定宅時子定將赴江
戶賦以贈別

提携共訪故人居湖上寒梅花發初對酒世途堪感
慨問君邊事定何如孤城雪色屯營外萬里雲山攬
轡餘男子今逢投筆日何須分手更躊躇

仲春遊僊湖

杖藜閑步敲荆扉野藪山肴興不違汀上鸕鷀隨浪
動洲邊鷗鷺近人飛林花欺雪香侵座春水如藍綠
染衣卜晝休言未卜夜暫時游賞不容歸

客歲本藩以所鏤刻國史獻諸

^{二字}天朝既而關白藤公特傳

^{一字}勅旨嘉歎寔曠世之盛事臣從事史館觀斯盛

事不勝恐喜之至恭賦

二首

^{二字}大邦文運應文昌史冊今看獻

聖皇載籍曾探石室祕輶軒舊發名山藏縹緗偏借

雲霄色編簡新懸日月光一自九天經

^{一字}睿賞長令斯道護綱常

特筆嘗聞寶器重同文今仰神州清祕府進呈經百

揆內朝觀覽厯重明

^{二字}皇情想見勤勞切天眷行期堂搆成異日須令鍾鼎

上梓槁媲美勒鴻名

送人歸甲斐

一身漂泊任飛蓬歸去飄然入峽中鶴郡烟霞開勝境猿槁結搆見神工機山割據雄看盡景德經營往事空送別為言懷古意我將憑爾吊英雄

冬日書事

豈向權門強喔咻投閑何處不伸眉爐邊炒栗兒含笑甌裏生塵婦拄頤四海偷安想陶甓幾年苦學憶蘇錐三十屈指將加八望歎人間歲月馳

癸酉元旦

夔城鼓夜將闌，寢廟新開漏滴殘。玉砌雪消花影暗，金爐煙上曉光寒。早垂長紳捧祝版，強戴破帽一音。鵷鷺自笑桑樞窮，措大今朝却作布衣看。布衣本邦異邦所謂布衣者不同，本藩之制非大臣貴族不得服之，唯與廟祭者例得服之，延于今朝攝讀祝事，故末句及之。

漫成

從教塵世說升沈，肉食從來默似瘖。幕上結巢猶得意，劔頭炊米自甘心。玉砌誰家空易主，朱門幾處欲栖禽。富貴不如貧賤樂，一竿獨釣碧波深。

七月十七日觀寶庫所藏神祖寶刀

戎衣一自平群雄，四海朝宗萬國同。謾說唐文斷豬勇，狂誇漢祖斬蛇功。寶匣初開紫電起，蒼波欲湧青虬空。百戰威稜肅然在，令人感歎思無窮。傳云此刀神祖關原

之役所佩故起句及之

初月

誰向雲端畫彩眉，纖於柳葉細於絲。鉤光映水遊魚散，弓勢橫林宿鳥疑。羈客看來愁轉切，離人望處睡應遲。羅衣掩扇情無限，正是簷間欲落時。

癸未之秋予移家江邸適值重九與菊鶻諸子約遊愛宕山因憶往年余應召來江戶與高藤

川諸子遊于此距今二十餘年矣當時同遊之徒或去或亡慨然有感因賦

二十年前遊此地今年今日再登高眼中白面多新識坐上青衿誰舊曹芙蓉西指千秋雪房總東連萬里濤老來短髮何堪帽一任晚風吹客袍

仲冬

景山公子放鷹于小梅別墅以所獲野

鴨承賜延于不勝感喜謹賦一律

雄志常嫌狃宴安平明跨馬下林巒回風拂地霜鷹疾半月臨溝煙水寒滋味新嘗君子賜糟糠初飽野人餐未有涓埃答殊眷感恩豈啻銘心肝

三月十八日遊墨水賞花

長堤三月採春芳夾路櫻花媚艷陽粉黛繽紛逞妖態濃紅撩亂鬪新粧銀鱗拂地飛還落玉屑侵衣步也香懶性羞吾負詩債吟遊今日為君償

雪中遊東叡山

微醺纔覺澈裘溫冒雪衝寒訪紺園寶地新開銀世界瑤池半浸玉乾坤黃鸝轉處花無影白鷺投時水有痕詩興何須跨驢背閑吟駐杖到黃昏

東叡山看花

閑步採芳不厭賒東山三月鬪繁華白雲埋谷如無

路紅靄遮峰知有家，天女宮前波濯錦。文珠樓下樹
裁霞，昇平免避秦時暴。何羨武陵源上花。

己丑元日

移居初卜邸東邊，風物融和正月天。白破寒梅疑帶
雪，黃黏嫩柳欲含煙。盃傳臘酒飲尤後，春為鬢華回
最先。謇諤慚無毫髮補，徒將溫飽污儒員。

拜鹿島神宮

深林鬱古神宮，明德巍然鎮海東。野鶴飛迴華表
外，流鶯啼繞瑞籬中。戎衣曾奮冠軍勇，靈劍猶傳開
國功。千載長餘雄氣在，銀濤拍岸響松風。

壬寅元日

六十六年忙裏過，怪來人事暗蹉跎。玄陰已散城頭
雪，紅旭初升海上霞。柳眼未舒青尚嫩，梅顚欲笑白
逾加。從今期得懸車日，問柳尋梅到酒家。

己亥二月

上公治兵於後樂園行飲

至禮臣延于辱備扈從員，觀此盛事不勝欣喜。
謹賦

吾公偉略恆看危，親自治兵試出師。玄幕遮山朝
靄散，金鱗映日宿雲披。庭邊星列貔貅士，池上風翻
龍虎旗。幸值今春行飲至，微臣為賦小戎詩。

五言絕句

感遇三首

明珠出東海，握裏祭含英。
儻使秦王見，何翅十五城。
鴻鵠鍛翮時，雀鷁狎藩籬。
一朝飛霄漢，雀鷁詎得知。
幽蘭生澗底，馥郁吐芳鮮。
採之無所贈，佳人隔遠天。
古怨

自瀨掃雙蛾，愁來意緒多。
開簾花不語，春月照輕羅。
送友人歸山

採藥白雲路，山山尤可親。
還知舊棲處，麋鹿自相馴。
米崎六詠

高鈴山晴嵐

山靄收朝雨，松嵐送晚濤。秋雲晴盡後，突兀一峯高。

白鳥祠古松

蒼松千載古，蒼鬱帶烟霏。欲識成靈在，應看白鳥飛。

額田古城

古壘人行絕，芊綿蔓草深。泫然懷古淚，不待雍門琴。

米崎平田

平田開萬頃，十里稻花香。夕照自相映，蒸成滿目黃。

草池山晚鐘

野僧歸古刹，夕日沒遙峰。精舍在何處，響傳雲外鐘。

雁繫池落雁

碧池誰鑿成，傳是雁池名。年、幾行雁自向此中鳴。

好文亭席上分題賦得仙湖紅葉得入字

霜葉錦如裁，卷簾紅將入。唯恐繁霜後，翻作落花急。

癸卯元日

春似舊年春，人非舊日人。去歲又今歲，來去一何頻。

題湯岐石

登臨碧山上，溫泉箇裏生。空題一片石，欲勒千秋名。

七言絕句

柳堤晚歸

柳驛風清綠水灣，金絲弄色看堪攀。
湖天日暮雲開處，洗出林端月一彎。

余讀唐史至樂工雷海清事有感因賦此

萬里邊塵滿太空，野煙虛鎖故行宮。
當時縫掖關何事，獨遣伶優泣古桐。

聞子規

片、花飛西復東，殘春空恨五更風。
子規何事聲、急、月落前山第一峰。

早發江戶歸水戶途中作

行尋詩興弄春光，柳浦桑村帶夕陽。
岸上梅花亂如雪，翩跹踏去草鞋香。

望金雞山

曉色陰、柳色濃，千山送我綠重重。
天工借得丹青手，描出金雞第一峰。

春日

柳繞疎簾花繞擺，更聞黃鳥轉春風。
誰知造化添新意，多少精神阿閣中。

春日漫興

元日又過人日天，千門揚柳半含烟。
人生百歲幾時好，笑把新花插髻邊。

仙湖春望

東風吹水滿春陂，千片銀冰下岸涯。
芳草纔含湖上綠，垂楊未著雨中絲。

墨竹

直節亭亭逼苑牆，半含疎雨半秋光。
閒來寫出胸中氣，隨意雲霄千尺長。

春日田家

春渠引水繞平蕪，數畝田園水碓孤。
桃花深鎖柴門

閑總是輞川一幅面

花下步月

滿園月色望相齊，花影參差步。迷閑吟不覺前林，盡直到春山數里西。

仲春飲長天祐

宅時雨雪新霽春景可

喜

江亭雪後興何豪，右把盃觥左把螯。主人休道無匕

筋，自下庭堦折碧挑。

宴中主人設德美過無匕筋因折桃枝以代之故詩中及之

壬申元日

災異休言徵應少，定知修省在明君。願將去歲亘天

雪一掃妖氛為瑞雲

春初試筆

不分春光病裏催，強將吟筆對寒梅。黃鸝似慰愁人意，飛上短牆啼數回。

贈為藥亭主人。主人素以相劍鳴世，且善磨礪。

今茲癸酉仲夏適遊水府，予有一刀，請君磨之，頓增精彩，因賦一絕以贈之。

霜鏑發矧爭賞，歎芙蓉三尺湧波瀾。從今不用愁炎熱，長佩腰間秋水寒。

遊櫻川賞花次揚醫官韻

遲日勝遊攬水涯，滿枝如雪傍溪斜。吾曹自似趨香蝶，省盡春林無限花。

酣歌泥飲是生涯，笑指青帘竹外斜。還知萬物同和樂，魚醉春波蝶醉花。

暮春卧病至初夏未愈聽杜鵑有感

殘紅委地綠陰齊，夢覺閑窗意轉迷。病裏不知春已盡，一聲杜宇喚人啼。

乙亥元日十二絕

公主來歸宗子家，市朝傳語頌聲譁。窈窕元魚肅顙德，召南謾賦王姬車。

燕翼由來慶有餘，陽春新降紫泥書。

客歲抄冬子任左中將今

春口宣始至故及之

講學尤知養儲德，仰看治本在關雎。

昇平德澤萬方均，文化又逢十二春。更喜邦家多慶

事，恩風并及提封民。

門插雙松同習俗，人呼萬歲祝年豐。女子唱歌飛羽

板，男兒戲弄破魔弓。

本邦之俗孟春植雙松於門外謂之門松又客有自黎河來者

擊鼓舞獨以賀新正謂之萬歲又本邦女子穿無患子以插羽毛飛用小板謂之羽子男兒執小弓

以除不祥謂之破魔弓皆本邦孟春故事故云

化工粧出美人姿，梅綻丹唇柳畫眉。誰信天公愛騷客，盡驅好景入新詩。

起著朝衣入廟堂五更漏箭促春光今朝讀祝獨徒

跪告朔誰知存餼羊

今年元日延于為太廟讀祝官

既執事皆著職而近時攝祭官助祭官皆著職

獨讀祝官徒跪知禮者以為告朔餼羊云

退朝釋服酌春醪醉叩唾壺氣更豪畢竟屠龍成底

用從容自撫脩前刀

古者劔工多出脩前刀今賞劔家所稱

古脩前者尤良延于好古劔

常佩脩前刀故未句及之

隣雞喚夢報清晨滿目韶光特地新從此應須採花

柳好為天地一閑人

頭禿誰憐韓博士行年四十夢中催家人何用問吾

齒笑對屠蘇藍尾盃

春入書堂日上時明窗淨几兩相宜閑展彩箋呵凍

筆小指勝得賀正詩

爆竹無聲曙色新北門相賀往來頻野豬去歲入城

去兆在今年乙亥春

自知陋學背明時玩愒徒驚歲月移還恥素餐忝微

祿十年不調任人嗤

武陽客舍聞子規

江城四月杜鵑飛芳草萋萋綠染衣望帝何關羈客

恨聲為報不如歸

奉和高松世子夏日舟行高韻

江天日暮挂清輝，水落魚梁波浪微。畫舸膠沙前不得，停撓更候晚潮歸。

秋日偶成

歸鴻飛盡百花空，感慨何堪對碧叢。無限春愁猶未歇，秋光已染雁來紅。

示子延光

少年勤學在專精，璞玉從來貴琢成。四世箕裘幸得汝，讀書慎勿墜家聲。

柳堤春望

湖邊霽後好經過，楊柳煙籠十里坡。愛得金絲垂拂

水，春風織作麴塵波。

和吉子有留別韻

東西一別又何傷，塵世從來似戲場。請爾看：歌舞地，江南休道是佗鄉。
時都下之俗，歌舞盛行，舞者著清人衣服，倡歌亦學清音，謂之

看：舞。

壬午元旦

寒鄉未信暖光回，臘雪猶封墻角梅。唯有東風憐舊識，慇懃吹送暗香來。

那珂港夏夜即事

白雪捲來蒼海灣，金輪晴挂碧雲端。波光洗盡人間

熱滿袖清風六月寒

遊姪懷磯

日出海門煙霧開，狂瀾捲雪。山顏姪懷磯上回頭望，萬里雄風拂面來。

上元日與館僚諸子遊梅莊

携手閑吟野水濱，名園梅蕊滿枝新。容華不似梅華好，今日人非舊日人。

遊木母寺

十里長堤帶夕暉，孤墳依舊枕漁磯。寒梅似訴當年恨，一片飛來著客衣。

歸途日已暮，月色如畫。濟陽田渡至八町陂，顧望倡樓燈火星映，歌吹沸天，亦昇平之壯觀也。

賦示諸子

春宵一刻直千金，花有清香月有陰。為君試誦坡公句，處、樓臺歌管音。

東叡山看花

吉祥閣外花如錦，吉祥閣中錦似花。更向櫻花深處去，夕陽薰作滿山霞。

墨水賞花

閑吟經過墨河涯，夾路官櫻曲、斜往來。絡繹人如

織行盡長堤十里花

己卯之春余至武陽買薔薇花一本植之邸中
以供愛翫及歸偶忘之友人攜子若取移之庭
中既而余移居藩邸子若以薔薇還余栽培得
宜枝葉滋茂今年春著花濃艷仍舊嫣然媚人
可謂珠還合浦馬歸晉厩矣
戲賦
一絕

曾買薔薇栽邸舍歸來孤負幾回春今日濃紅一仍
舊嫣然似笑白頭人

思池即事

華表巍然天女宮蒼波縹緲接青空閑吟更向橋邊
望人在琉璃世界中

庚寅春三月歸水府途中作

山迤逦迤雨後奇櫻花濃淡洗臙脂歸鄉何用錦衣
好幸及春光爛熳時

甲午歲我上公以臣子所著皇朝史略獻
于知恩院法親王法親王獻諸

天朝以備乙覽

帝嘉之使婕妤報書法親王上公以其書
賜臣廷子以為家琛陪臣之榮莫大焉臣廷子

不任感激謹賦一絕

誰道長安萬里遙一封瓊簡降雲霄不是君恩深
似海史編爭得達

天朝

松平公子園亭雪中即事

時亭新成
庭築假山

高亭新築屋南隅珠樹玲瓏望更殊
賸有假山簾外趣削成白玉小香爐

夏日偶作

新筍數竿出屋長濃陰掩處午風涼
高樓盡靜眠初醒金鴨繞銷一炷香

後序

我西山公夙好學有志於斯文以明遺老朱舜
水為師招四方髦彥初紀傳之體為一家之言老
成宿儒則有野懋齋左子朴村寧溪後進則有安
澹泊泉潛鋒宅觀瀾之徒府下之又鳴於天下其
後耆宿凋謝越南谿田錦江之輩或以詩或以文
皆鳴於一時然僅無幾府下之文衰矣及先
君文公好學克繼西山公之志於是有原翠軒
先生以雄俊之才為一國之木鐸高坦室藤幽谷
川歸野之徒並世而出加以先子府下之文又

盛而無媿貞享元祿之際也其後諸子相繼而沒
先子歸然獨存於是先子之名益聞於四方先子
爲人志氣軒昂胸中廓然自負氣節不以儒生自
居暇則擊劍舞槍馳驅講射以文柔爲戒然亦刻
苦讀書不少懈弛是奉家庭之訓也而專攻文辭
肆力班馬其意蓋在成先公之史故畢生精力
亦實竭於此其遇事也危言高論無所回避人或
至面頰發頰是以不爲流俗所容亦終不依阿以
合於世生平常曰予若遇豐太尉之時當與群豪
並駕齊馳萬戶侯豈足言其志氣之豪如此然而

遭文明之世無所展驥足於是叙東照公之經
營勤勞台猷二公之守成恭愼及開國之元勳
輔弼并及國初之雄豪奇傑以爲一家之言欲洩
胸中之所鬱積是以其文論議英發思致橫逸簡
而不澁豐而不冗通麗雅健清快俊偉絕無塵俗
之氣俗儒拘學惡其伉直權沮排斥無所不至然
至其文則終不能掩也嗚呼先子在家則不墜家
庭之訓在邦則欲成先公之史豈非忠與孝耶
者宜如之何也壽以謂先子之學問文章則伯氏
壽等兄弟續其緒

得之翰墨揮灑之妙則仲氏得之議論後發無所
回護則叔氏得之壽也不育無所得才得其武之
一端而不肯竟學今我兄弟相共刻勵勤苦以繼
其志先子之業庶幾不失墜焉然至其氣魄鬱光
焰逼人則壽等不能彷彿其萬一即有斯集之存
復何須讚述焉哉

弘化二年歲次乙巳暮秋月男延壽謹撰并書

110X
347
4